

Mješoviti Holding „Elektroprivreda Republike Srpske“ Matično preduzeće a.d.Trebinje
Zavisno preduzeće „Rudnik i Termoelektrana Ugljevik“ a.d. Ugljevik

Broj: 31567/23

Dana, 12.10. 2023. godine

Na osnovu člana 64. stav (1) tačka b), člana 70. stav (1), (2), (3). i (6). Zakona o javnim nabavkama („Službeni glasnik BiH“ broj: 39/14 i 59/22), člana 8. Pravilnika o uspostavljanju i radu Komisije za nabavke („Službeni glasnik BiH“ broj: 103/14), a na Preporuku Komisije za javnu nabavku broj: 31278/23 od 09.10.2023. godine, u postupku javne nabavke: „Nabavka damperskih guma“, otvoreni postupak, interni broj: 112/23, objavljen na Portalu javnih nabavki www.ejn.gov.ba pod brojem: 1276-1-1-341-3-465/23 od 26.07.2023. godine, Uprava Preduzeća, na sjednici održanoj dana 12.10. 2023. godine, donijela je:

O D L U K U

**o izboru najpovoljnijeg ponuđača u postupku javne nabavke: „Nabavka damperskih guma“,
otvoreni postupak, interni broj: 112/23**

Član 1.

Prihvata se Preporuka Komisije za javne nabavke broj: 31278/23 od 09.10.2023. godine u postupku javne nabavke: „Nabavka damperskih guma“, otvoreni postupak, interni broj: 112/23, te se okvirni sporazum na period do 12 (dvanaest) mjeseci i maksimalne finansijske vrijednosti do 3.000.000,00 KM bez PDV-a dodjeljuje Grupi ponuđača: „ASM MACHINERY“ d.o.o. Istočna Ilidža i „SAS“ d.o.o. Priboj.

Član 2.

Prijedlog okvirnog sporazuma dostaviće se na potpis izabranom ponuđaču po proteku roka od 15 (petnaest) dana, računajući od dana kada su ponuđači obaviješteni o izboru najpovoljnije ponude.

Član 3.

U slučaju ulaganja žalbe na ovu Odluku Ugovorni organ će postupati u skladu sa članom 100. Zakona o javnim nabavkama BiH.

Član 4.

Ova Odluka će se objaviti na WEB stranici Ugovornog organa: www.riteugljevik.com, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

Član 5.

Za realizaciju ove Odluke zadužuje se Služba komercijale Preduzeća i Služba za pravne i korporativne poslove.

Član 6.

Ova Odluka dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama BiH.

O b r a z l o ž e n j e

Postupak javne nabavke pokrenut je na osnovu Posebne odluke Uprave Preduzeća o pokretanju postupka javne nabavke broj: 16980/23 od 15.05.2023. godine, Posebne odluke Nadzornog odbora Preduzeća broj: 17432/23 od 18.05.2023. godine i Odluke Vlade Republike Srpske u funkciji Skupštine akcionara Akcijskog fonda Republike Srpske a.d. Banja Luka u MH „ERS“ Matično preduzeće a.d. Trebinje broj: 04/1-012-2-2570/23 od 27.07.2023. godine.

Javna nabavka je sprovedena putem otvorenog postupka.

Procijenjena vrijednost javne nabavke je 3.000.000,00 KM bez PDV-a.

Obavještenje o nabavci objavljeno je na Portalu javnih nabavki pod brojem: 1276-1-1-341-3-465/23 od 26.07.2023. godine.

Komisija za javne nabavke, imenovana Rješenjem Uprave Preduzeća o imenovanju članova Komisije broj: 28651/23 od 08.09.2023. godine, podnijela je Upravi Preduzeća Izvještaj o radu sa preporukom za dodjelu okvirnog sporazuma broj: 31278/23 od 09.10.2023. godine.

U postupku po Izvještaju je utvrđeno da je Komisija blagovremeno i pravilno izvršila otvaranje ponuda i o tome sačinila odgovarajući Zapisnik o otvaranju ponuda broj: 29035/23 od 12.09.2023. godine, a u kojem je utvrđeno sljedeće:

Do zakazanog roka za prijem ponuda za predmetnu nabavku, do 12.09.2023. godine do 10.00 časova, zaprimljene su sljedeće ponude:

Naziv/ime ponuđača				
Blagovremene ponude/ datum i vrijeme prijema			Ukupna cijena ponude bez uračunatog PDV-a na paritetu DDP	Neblagovremeno primljene ponude
1.	„GUMA VP 200“ d.o.o. Mostar	11.09.2023. godine u 10 ⁴⁰ časova	64.000,00 KM	/
2.	Grupa ponuđača: „ASM MACHINERY“ d.o.o. Istočna Ilidža i „SAS“ d.o.o. Priboj	12.09.2023. godine u 9 ⁰⁵ časova	65.145,00 KM	/
3.	„BPS“ d.o.o. Ugljevik	12.09.2023. godine u 9 ⁴⁰ časova	69.963,00 KM	/
Krajnji rok za prijem ponuda bio je: do 12.09.2023. godine do 10.00 časova.				

Predstavnik Grupe ponuđača: „ASM MACHINERY“ d.o.o. Istočna Ilidža i „SAS“ d.o.o. Priboj je prisustvovao otvaranju pristiglih ponuda. Zapisnik o otvaranju ponuda broj: 29035/23 od 12.09.2023. godine dostavljen je isti dan putem mejla svim ponuđačima u predmetnom postupku nabavke i na isti nije bilo primjedbi.

ANALIZA PONUDA

Zatvoreni sastanak Komisije, na kojem su pregledane pristigle ponude, te izvršena analiza dostavljene dokumentacije, održan je dana 05.10.2023. godine.

Analizom pristiglih ponuda, uvidom u priloženu dokumentaciju i suštinskom provjerom sadržaja i validnosti dokumentacije, Komisija je konstatovala sljedeće:

ANALITIČKI PRIKAZ TRAŽENIH I DOSTAVLJENIH DOKUMENATA NA OSNOVU KOJIH SE UTVRĐUJE POSTOJE LI RAZLOZI ELIMINICIJE PONUĐAČA

OBAVEZNI DOKUMENTI KOJE PONUDA MORA DA SADRŽI	Ponuđač: GUMA VP 200“ d.o.o. Mostar	Grupa ponuđača: „ASM MACHINERY“ d.o.o. Istočna Ilidža i „SAS“ d.o.o. Priboj	Ponuđač: „BPS“ d.o.o. Ugljevik
Obrazac za dostavljanje ponude - Aneks 2	Dostavljen	Dostavljen	Dostavljen
Obrazac za cijenu ponude - Aneks 3	Dostavljen	Dostavljen	Dostavljen
Obrazac za povjerljive informacije - Aneks 4	Dostavljen	Dostavljen	Dostavljen
Potpisan i ovjeren nacrt okvirnog sporazuma i ugovora - Aneks 5	Dostavljen	Dostavljen	Dostavljen
Dokumentacija u skladu sa tačkom 3.1 Tenderskog dokumenta	Dostavljena	Dostavljena	Dostavljena, nije u skladu sa zahtjevom iz TD
Dokumentacija u skladu sa tačkom 3.4 Tenderskog dokumenta	Dostavljena	Dostavljena	Dostavljena, nije u skladu sa zahtjevom iz TD

Popis izvršenog ugovora – Aneks 6	Dostavljen	Dostavljen	Dostavljen
Potvrda o izvršenom ugovoru	Dostavljena	Dostavljena	Dostavljena
Ovjerena Izjava u vezi člana 45. ZJN BiH – Prilog 1	Dostavljena	Dostavljena	Dostavljena
Izvod iz sudskog registra	Dostavljen	Dostavljen	Dostavljen
Ovjerena pismena izjava ponuđača iz člana 47. ZJN BiH – Prilog 2	Dostavljena	Dostavljena	Dostavljena
Potvrda poslovne banke ili druge ovlaštene finansijske institucije	Dostavljena	Dostavljena	Dostavljena
Ovjerena pismena izjava ponuđača iz člana 52. ZJN BiH – Prilog 3	Dostavljena	Dostavljena	Dostavljena
Garancija za ozbiljnost ponude	Dostavljena	Dostavljena	Dostavljena
Popunjen obrazac za zajednički nastup u slučaju nastupa grupe ponuđača – Prilog 6	/	Dostavljen	/

Ponuda ponuđača: „BPS“ d.o.o. Ugljevik je nepravilna iz sljedećih razloga:

Tačkom 3.1 Tenderskog dokumenta je zahtjevano:

„Ponuđači su u vezi sa predmetom nabavke obavezni da u svojoj ponudi dostave sledeće dokumente:

- Potvrda za minimalno 6 komada guma, identičnog modela kao ponuđene gume, da su u uslovima nekog od rudnika odradile svaka po minimalno 8.000 MČ. Potvrda mora da sadrži minimalno sledeće podatke: osnovni podaci o rudniku sa adresom, podaci kontakt osobe (ime prezime, telefon, mail), podaci o proizvođaču i modelu guma sa dimenzijom, serijski brojevi guma, odrađeni moto sati i datum ugradnje. Potvrdu dostaviti ovjerenu od strane krajnjeg korisnika ili proizvođača guma na koje se odnosi, u formi originalnog dokumenta“

Ponuda ponuđača „BPS“ d.o.o. Ugljevik ne zadovoljava postavljeni zahtjev.

1. Ponuđač „BPS“ d.o.o. Ugljevik je ponudio dva različita modela guma koja su u Aneksu 3 ponude ponuđena sa oznakama modela BKT EARTHMAX SR46 i BKT EARTHMAX SR45PLUS. Na strani 20. ponude dostavljena je potvrda kojom se dokazuje postavljeni uslov ali samo za jedan model ponuđene gume (BKT EARTHMAX SR46). Za drugi ponuđeni model gume (BKT EARTHMAX SR45PLUS) nije dostavljen dokaz za postavljeni uslov.
2. Na strani 23. ponude dostavljen je dokument „Izveštaj o stanju guma BKT27 00 49 i 33 00 51“, izdat od strane Rudnik mrkog uglja Kakanj, iz koje nije vidljivo na koji model gume se potvrda odnosi, odnosno da li je riječ o ponuđenim modelima BKT EARTHMAX SR46 i BKT EARTHMAX SR45PLUS. Nadalje, dostavljeni izvještaj se odnosi na količine od po 5 guma za obe dimenzije što takođe ne zadovoljava zahtjev drfinisan „za minimalno 6 komada guma“.
3. Ponuđač „BPS“ d.o.o. Ugljevik je na strani 23 svoje ponude dostavio Izvještaj o stanju guma BKT27 00 49 i 33 00 51, a koji ne sadrži adresu rudnika. Naime, imenovani ponuđač je prema naprijed navedenom zahtjevu iz Tenderskog dokumenta bio u obavezi dostaviti Potvrdu za minimalno 6 komada guma, identičnog modela kao ponuđene gume, da su u uslovima nekog od rudnika odradile svaka po mimalno 8.000 MČ, a koja između ostalog sadrži osnovne podatke o rudniku sa adresom.
4. Izvještaj o stanju guma BKT27 00 49 i 33 00 51, koji je imenovani ponuđač dostavio na strani 23 svoje ponude, je dostavio u formi kopije, a prema naprijed navedenom zahtjevu iz Tenderskog dokumenta navedeni Izvještaj je bio u obavezi dostaviti u formi originalnog dokumenta.

Nadalje, tačkom 3.4 Tenderskog dokumenta je zahtjevano:

„Garantni rok: Proizvođački garantni rok ponuđenih guma mora biti minimalno 8.000 MČ. Ponuđač je obavezan u svojoj ponudi dostaviti garanciju ovjerenu od strane proizvođača ponuđenih guma, kojom potvrđuje da je proizvođačka garancija za ponuđene gume minimalno 8.000 MČ, u formi obične kopije I ista mora biti prevedena na jedan od službenih jezika Bosne I Hercegovine, a sve u skladu sa tačkom 6.3 Tenderskog dokumenta“

Ponuda ponuđača „BPS“ d.o.o. Ugljevik ne zadovoljava postavljeni zahtjev.

U vezi postavljenog zahtjeva u pogledu garantnog roka ponuđač je na strani 28. ponude dostavio dokument proizvođača „POLICA OGRANIČENOG JAMSTVA ZA TERENSKE GUME“ a u prilog istom na strani 25. dokument proizvođača „ DODATAK POLISI OGRANIČENE GARANCIJE ZA TERENSKE GUME“ u kome stoji da ponuđeni modeli guma „mogu imati učinak minimum 8000 radnih sati“. Ovakav

dokument ne zadovoljava postavljeni zahtjev u vezi garantnog roka jer predstavlja opcionu mogućnost („mogu imati“) te kao takav nije dokaz jasno postavljenog uslova u pogledu garantnog roka.

Dakle, zbog svega naprijed navedenog ponuda ponuđača: „BPS“ d.o.o. Ugljevik nepravilna

RANG LISTA PRIHVATLJIVIH PONUDA

U skladu sa članom 64. Zakona o javnim nabavkama, na osnovu kriterijuma najniže cijene prihvatljive ponude, utvrđena je slijedeća rang lista ponuđača:		
	NAZIV PONUĐAČA	CIJENA BEZ PDV-a na paritetu DDP
1.	„GUMA VP 200“ d.o.o. Mostar	64.000,00 KM
2.	Grupa ponuđača: „ASM MACHINERY“ d.o.o. Istočna Ilidža i „SAS“ d.o.o. Priboj	65.145,00 KM

Nakon rasprave u kojoj su učestvovali svi članovi Komisije doneseni su sljedeći zaključci:

Zaključak 1

Obzirom da je tačkom 8.2 Tenderskog dokumenta predviđeno provođenje E-aukcije i da su za predmetnu nabavku prihvatljive ponude dva ponuđača, u skladu sa članom 4. (Zakazivanje i početak E-aukcije) Pravilnika o uslovima i načinu korištenja E-aukcije (Službeni glasnik BiH broj 66/16), Ugovorni organ će zakazati E-aukciju.

Zaključak 2

Za realizaciju zaključka zadužuje se sekretar Komisije.

Zaključak 3

Sljedeći sastanak Komisije održaće se nakon okončanja E-aukcije.

Prvi sastanak Komisije za javnu nabavku je okončan dana 05.10.2023. godine u 9.00 časova.

Drugi zatvoreni sastanak Komisija za javnu nabavku je započela dana 09.10.2023. godine, sa početkom u 12.00 časova.

Sastanak je otvorila i uvodnu riječ dala predsjednica Komisije, istakavši da su realizovani zaključci sa sastanka Komisije održanog 05.10.2023. godine. Naime, Ugovorni organ je u skladu sa članom 4. (Zakazivanje i početak E-aukcije) Pravilnika o uslovima i načinu korištenja E-aukcije („Službeni glasnik BiH“ broj 66/16) zakazao E-aukciju za dan 09.10.2023. godine, sa početkom u 9.00 časova.

Zakazana e-aukcija je održana dana 09.10.2023. godine u periodu od 9.00 časova do 9.36 časova.

KONAČNA RANG LISTA PRIHVATLJIVIH PONUĐAČA KOJI SU UČESTVOVALI U E-AUKCIJI

Nakon održane E-aukcije izvršena je ekonomska evaluacija ponuda, te utvrđena konačna rang – lista ponuđača:

U skladu sa članom 64. Zakona o javnim nabavkama, na osnovu kriterijuma najniže cijene prihvatljive ponude, a nakon provedene E-aukcije, utvrđena je slijedeća rang lista ponuđača:			
	NAZIV PONUĐAČA	CIJENA BEZ PDV-a, prije E-aukcije	CIJENA BEZ PDV-a, nakon okončane E-aukcije
1.	Grupa ponuđača: „ASM MACHINERY“ d.o.o. Istočna Ilidža i „SAS“ d.o.o. Priboj	65.145,00 KM	54.136,00 KM
2.	„GUMA VP 200“ d.o.o. Mostar	64.000,00 KM	54.200,00 KM

Komisija za javnu nabavku, nakon ocjene ponuda i održane e-aukcije za nabavku: „Nabavka damperskih guma“, otvoreni postupak, interni broj: 112/23, konstatuje da je najpovoljnija ponuda Grupe ponuđača: „ASM MACHINERY“ d.o.o. Istočna Ilidža i „SAS“ d.o.o. Priboj, te je predložila njegov izbor.

U postupku donošenja Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu dostavljenih ponuda, u skladu sa kriterijumima iz Tenderske dokumentacije.

U postupku ocjene provedenog postupka, Uprava Preduzeća nije našla razloge nepravilnosti niti propusta u radu, koji bi eventualno bili osnov za neprihvatanje Preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila u skladu sa Zakonom, podzakonskim i internim aktima i Tenderskim dokumentom.

Iz navedenih razloga, primjenom člana 64. ZJN BiH, te člana 57. Statuta MH „ERS“ MP a.d Trebinje – ZP „RiTE Ugljevik“ AD Ugljevik, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi, putem Ugovornog organa, u pisanoj formi direktno ili preporučenom poštanskom pošiljkom na adresu: Mješoviti Holding „ERS“ - MP a.d. Trebinje ZP „Rudnik i Termoelektrana Ugljevik“ a.d. Ugljevik, Ugljevik bb, 76330 Ugljevik. Žalba se podnosi u najmanje 3 (tri) primjerka.

Dostavljeno:

1. Ponuđačima,
2. Upravi Preduzeća,
3. Komisiji za javne nabavke,
4. Službi za pravne i korp. posl.,
5. a/a.



VD Izv. dir. za posl. proiz. el. ener. i razvoja Termoelektrane

VD Izvršnog direktora za posl. proiz. uglja i razvoja Rudnika

VD Izvršnog direktora za ekonomsko-finansijske poslove

VD Izvršnog direktora za korporativne poslove

VD Izvršnog direktora za opšte i pravne poslove

This block contains several handwritten signatures in blue ink, each written over a horizontal line. The signatures are of varying lengths and styles, representing other members of the management or administrative staff.